

## Međunarodna regionalna saradnja u oblasti zaštite i spašavanja

Dana 21.12.2013. godine u Srebreniku su u uzvratnoj posjeti boravili predstavnici Područnog ureda Državne uprave zaštite i spašavanja Vukovar i Hrvatske gorske službe spašavanja Vinkovci. Posjeta je protekla u duhu prijateljske radne atmosfere kao nastavak ranije započete saradnje tokom našeg boravka u Vukovaru i Vinkovcima.

Nakon obilaska grada održan je radni sastanak u prostorijama Općinske službe civilne zaštite Srebrenik. Gosti su upoznati sa spasilačkim kapacitetima GSS Srebrenik te sistemom zaštite i spašavanja općine Srebrenik što je poslužilo kao dobra osnova za razmjenu iskustava u oblasti opremanja, obučavanja i uvježbavanja spasilačkih službi.



Obilazak Starog grada „Gradina“ i lokaliteta Mali kukor te nakon toga i Orlove klisure je izvršen s ciljem upoznavanja naših gostiju sa nekim od ljepota općine Srebrenik ali i kao budućim prostorima na kojima ćemo održavati zajedničke vježbe.

Sa prikupljenim informacijama o spasilačkim kapacitetima i planovima općine Srebrenik održan je završni sastanak s ciljem utvrđivanja konkretnih planova koje će mo u narednoj godini zajednički realizirati.

HGSS je prihvatila svoje učešće na zajedničkim vježbama koje će se održati na prostoru općine Srebrenik: Vježba „Potraga – Majeвица 2014“ u reonu naselja Straža početkom jula i „Snaga odgovora – 2014.“ u centru grada Srebrenika. Na naše veliko zadovoljstvo, HGSS je ponudio i konkretnu pomoć u stručnom osposobljavanju članova GSS Srebrenik u raznim temama.



Dogovorena je i saradnja u izvođenju obuke kako na prostoru općine Srebrenik tako i na prostoru Vinkovaca i Vukovara: alpinistika, speleologija, spašavanje na vodi itd. Početak ove, više nego odlične saradnje je najavljen već za početak slijedeće godine kada će HGSS zajedno sa GSS Srebrenik razmijeniti svoja iskustva iz spašavanja u zimskim uslovima na planini Vlašić.

mr Bajro Imširović